

## REGLUGERÐ

### um bensíngjald.

#### 1. gr.

Greiða skal sérstakt innflutningsgjald – bensíngjald – af bensíni er fellur undir tollskrárnúmer 2710.0019. Frá og með 1. júní 1989 skal gjald þetta nema kr. 17,95 af hverjum lítra.

#### 2. gr.

Gjald samkvæmt 1. gr. tekur einnig til bensínbirgða sem til eru í landinu hinn 1. júní 1989. Þó skulu gjaldfrjálsir 300 lítrar hjá hverjum eiganda.

Gjaldið skal greiða hvort heldur bensínið er í vörslu eiganda eða ekki.

Hafi gjald samkvæmt 1. gr. reglugerðar nr. 558/1988 verið greitt af birgðum sem til eru hinn 1. júní 1989 skal greiða kr. 1,25 af hverjum lítra slíkra birgða sem til eru umfram 300 lítra hjá hverjum eiganda.

Hver sá, sem á eða hefur til umráða 300 lítra af bensíni hinn 1. júní 1989 skal skyldur að tilkynna það innheimtumanni innan 10 daga. Eigandi eða umráðamaður skal skyldur til að aðstoða við að kanna birgðir óski innheimtumaður slíkrar aðstoðar.

Innheimtumaður getur krafist upplýsinga frá bensíninnflytjendum og bensínsölum um sölu samkvæmt verslunarbókum til viðskiptamanna er fram fór fyrir 1. júní 1989.

#### 3. gr.

Þrátt fyrir ákvæði 1. gr. skal heimilt að gera innflutningsgjald af bensíni upp miðað við sölu birgða. Frestur til greiðslu gjaldsins til innheimtumanns ríkissjóðs skal þó aldrei vera lengri en svo að gjaldið sé greitt áður en tveir mánuðir eru liðnir frá lokum sölumánaðar.

#### 4. gr.

Reglugerð þessi er sett samkvæmt heimild í lögum nr. 3/1987, um fjáröflun til vegagerðar, með síðari breytingum, öðlast þegar gildi. Jafnframt fellur reglugerð nr. 558/1988 úr gildi.

*Fjármálaráðuneytið, 24. maí 1989.*

**Ólafur Ragnar Grímsson.**

*Lárus Ögmundsson.*

## REGLUGERÐ

### um breytingu á reglugerð fyrir Íslenskar getraunir, nr. 477

**27. október 1988.**

#### 1. gr.

5. gr. orðist svo:

Íslenskar getraunir gefa út og dreifa leikspjöldum til þátttöku í getraunaleikum.

Á hverju spjaldi skal gert ráð fyrir 12 tölusettum kappleikjum sem geta skal um úrslit á. Á spjaldinu skulu einnig vera sex dálkar (raðir), merktir bókstöfunum A, B, C, D, E og F, hver

um sig þrískiptur, þannig að fyrir hvern kappleik eru gefnir þrjú möguleikar á úrslitum, sem hér segir (1) sigur þess liðs sem fyrir er nefnt (heimasigur), (x) jafntefli og (2) sigur þess liðs sem síðar er nefnt (útsigur).

Á leikspjaldi skulu vera leiðbeiningar um þátttöku í leiknum. Þar skal og vera hvatning til þátttakenda að rita nafn sitt á þátttökuvittun í öryggisskyni.

## 2. gr.

6. gr. orðist svo:

Leikir í getraunaleiknum fara að jafnaði fram einu sinni í viku eftir nánari ákvörðun stjórnar Íslenskra getrauna. Getraunavika telst frá þeim degi þegar fyrsti kappleikur leikviku fer fram og lýkur á þeim degi þegar síðasti leikurinn fer fram.

Heimilt er að efna til sérstakra aukagetrauna vegna einstakra kappleikja. Sömu reglur gilda um þessar aukagetraunir og hina vikulega getraunaleiki, þó þannig að þátttaka er bundin þeirri getraun (leikviku) einni. Þá gilda sérreglur um ráðstöfun vinninga, sbr. 5. mgr. 20. gr.

Ákvörðun um kappleiki hvernar getraunaviku skal liggja fyrir a.m.k. einni viku áður en getraunavikan hefst. Íslenskar getraunir skulu gefa út og dreifa blaði þar sem kappleikir hvernar getraunaviku eru tilgreindir og töluröð þeirra á leikspjaldi. Þar skal og koma fram hvenær leikirnir fara fram, hvenær sölu á getraunaröðum lýkur og lok getraunaviku.

## 3. gr.

14. gr. orðist svo:

Öll sala í getraunaleiknum skal falla niður 5 mínútur áður en fyrsti kappleikur getraunaviku á að hefjast. Skal öll vinnsla í tölvukerfinu þá falla niður og þar til úrslit allra kappleikja leikvikunnar liggja fyrir.

## 4. gr.

1. mgr. 19. gr. orðist svo:

Nú er einum eða fleiri kappleikjum getraunaviku flýtt þannig að leikur hefst áður en fyrsti kappleikur vikunnar átti að hefjast og skal þá eftirlitsmaður dómsmálaráðuneytisins, að viðstöddum fulltrúa Íslenskra getrauna, varpa hlutkesti um úrslit í þeim leik eða leikjum. Sama gildir ef einn eða fleiri kappleikir falla niður eða ef leik er frestað fram yfir áður auglýst lok getraunavikunnar. Nota skal tölfflötung með hlutfalli milli merkjanna 1, x og 2: 5-4-3 í sömu röð. Gildir það merki sem upp kemur fyrir hvern leik.

## 5. gr.

Reglugerð þessi sem sett er samkvæmt lögum um getraunir, nr. 59 29. maí 1972, öðlast þegar gildi.

*Dóms- og kirkjumálaráðuneytið, 25. maí 1989.*

F. h. r.  
**Þorsteinn Geirsson.**

*Ólafur W. Stefánsson.*